

Domisdé de ritiro a Oies en domènia, ai 28 de ma (dales 16.00 ales 18.00), vègnel tigní n'adoraziun eucaristica, Primizmesse, confesciuns y benedisciun cun Br. Gabriel Hüger y so fre primiziant. Düc é inviá.

La biblioteca Sas dla Crusc invièia en vèndres ai 19 de ma dales 20:00 te biblioteca a La Ila ala presentaziun dl liber "Die Kraft der Südtiroler Kräuter nutzen" de Irene Hager und Astrid Schönweger. Düc é bel inviá.

Le Sorvisc ai Jogn Val Badia lascia alsavèi che les iscriziuns al proiet JABA 2017 por jogn dai 15 ai 19 agn pó gní fates dai 15 de ma inant tl ofize dl Sorvisc ai Jogn a Picolin o tl Zënter SaJ.un a La Ila. Implö vègnel chirí voluntars a daidé pro la "Festa di mituns 2017" ai 11 de lugio, Informaziuns pro Sorvisc ai Jogn nr. 0474/523070.


Referat sura la segurèza sön Internet: ai 20 de ma dales 18:00 cun Marco Anvidalfarei tl zënter dla joneza SaJ.un a La Ila. Al gnará baié sura virus che fira sön Internet y co che an dess mèt averda.

Le grup „Atmosfera“ se incunta en jòbia ai 18 de ma 2017 dales 15:30 tla sènta dl Raiun Sozial a Picolin. Al vègn modelé cun arjila adöm cun Irina Tavella y Barbara Rungger. Informaziuns plö monüdes pro Sabine Rainer tel. 0474/524519. Vignun/üna é bëgnnüs y é dër bel inviá/des.

De Internazional al Museum Ladin ai 21.05.2017 cun entrada debann - tl ciastel a San Martin rapresentaziuns dales 14.30 y dales 16.30. Orars de daurida dales 14.00 ales 18.00. An pó ince odèi la mostra Trienala. - tl Museum Ladin Ursus ladinicus a S. Ciascian informaziuns cun n paleontologh. Le Museum é davert dales 10.00 ales 18.00 y les incuntades é dales 11.00, 14.30 y 16.00. Düc é dër bel inviá.

Jun a pe cun le KVV: inviun düc en mercui, ai 17 de ma ala gita da *San Pire de Funes a Teis y Albeins*. Piun ia da Pedraces dales 07:30 y præibel prenotesse pro Iaco al nr. 0471/839772.

De cör giulan a nostes umes



Plata dla Ploania

Badia

San Iaco - San Linert


Ploan: Siur Iaco Wendelin Willeit

Calonia Badia: 0471/839571

E-Mail: parrocchiabadia@libero.it

Radio dla Ploania: 91,10 Mhz

UNITÉ PASTORALA



www.unitepastorala.org

Ann „A“ 14.05. - 21.05.2017 5° Domènia de Pasca n. 25

Festa dla Prüma Comuniun



Vangele dla Domènia che vègn - 6° Domènia de Pasca

Ian 14, 15-21

Te chël tèmپ á Gejú dit a sü discepi: Sc'i m'orèis bun, se tignarèise a mi comandamènc, y iö periará le Pere, y èl ves dará n'ater paraclet, che dess resté pro os por dagnora. Al é le Spirit dla verité, che le monn ne po nia ciáfé, deache èl ne le vèiga nia y ne le conèsc nia.

Os indere le conescèis, ciodich'al stá pro os y sará te os. I ne ves lasciará nia indò sciöche orfans, mo i vègni indò da os. Ma ciamó püch tèmپ, y le monn ne me vèiga nia plü; mo os m'odèis, deach'i viri y ince os viarèis. En chël de conesciarèise: Iö sun te mi Pere, os sèis te me, y iö sun te os. Chël che tol sò mi comandamènc y se tègn a d'èi, chël m'ó bun; a chël che m'ó bun, ti vègnel orü bun da mi Pere, y ince iö ti orarä bun y a chël me darai da conèscè.

FUNZIUNS SACRES

14.05. 5^a DOMÈNIA de PASCA – PRÜMA COMUNIUN

- 09.45 *dan Calonia*: salüt y ingres te dlijia di neocomunicanc
10.00 **Mëssa cun i mituns dla 1^a Comuniun y families**
15.00 Festa da Bato
18.00 †ti siur Leo Munter, siur Fonjo Tasser y siur Lauränz Irsara por fam. Paul y Rosina Dapunt en onur de S. Ujöp da Oies

15.05. Lünesc - S.ta Sofia
19.30 *Devoziun de ma (adüm cun le terzet)*

16.05. Mertesc
19.30 †ti Emma y Nadalin Irsara - aniversar
†to Elias Dal Bosco
por fam. David y Rita Irsara en rengraziamënt

17.05. Mercui - *Mëssa cun i scolars*
07.30 †tes Anna y Rosina Piccolruaz – aniversar
†ti Carlo y Scolastica Vittur - aniversar
†to Erich Canins - aniversar

18.05. Jöbia – *Mëssa cun i crejimanc*
19.30 †ti Hermann y Antonia Nagler - aniversar
†to Friedl Castlunger - aniversar
†ti Majo Alfarei y siur Heinrich Valentin – aniversar
por fam. Lauränz y Agnese Tasser en rengraziamënt

19.05. Vëndres
07.30 †ta Anna Tasser y †ti de Sogherdëna
†ti de Florian y Lucia Sottara
por fam. de Fefa Delueg Adang


20.05. Sabeda - S. Bernardino da Siena
13.30 Mëssa da noza de Mutschlechner Sven y Vanti Marika
16.00 Mëssa a Oies
19.30 *Devoziun de ma (arjignada ca dal grup Volontariat)*

21.05. 6^a DOMÈNIA de PASCA

- 10.00 Mëssa por la Comunità
15.00 Ora de adoraziun
18.00 †to Stefo Irsara - aniversar
†to Emilio Costisella
por fam. Giovanni y Maria Pitscheider

Dala VITA dla CÜRA

Crejimanc: en sabeda, ai 20 de ma dales 09:30 se abina düc i crejimanc te ciasa di ministranc cun siur Ulrich por na spligaziun dl rito dla Confermaziun.



Chësta domënia, ai 14.05.2017 ciafa le Sacramënt dl BATO i mituns **Niels José** de Alexander José Craffonara y Caterina Frontull y **René** de Albert Frenes y Rita Pitscheider da Larzonei. Ai pici che tolun sö cun ligrëza te nosta comunité y a sü geniturs les mius audanzas.

Seniorencub: al se abina en mertesc ai 16 de ma dales 14:00 dan Ciasa dles Uniuns o dan Comun por jí cun auti privac a Pidrô tla capela de S. Maria da Lourdes olache siur Franz Sottara zelebrará la s. mëssa. Dedô van te cortina da La Val y spo picera marëna tl'Alpenrose. Düc é inviá.

Oraziun da Taizè: en vëndres, ai 19 de ma dales 20:00 te capela a Oies.

Pelegrinaje dles porsones sores y vëdues: düc é inviá en jöbia, ai 1 de jügn da gní a Sarnthein olache siur Degan dijará la mëssa y dedô marëna y picera marëna söi iade da gní zruich. An pëia ia da Pedraces dales 07:40. Le prisc é 40 € y präibel prenotesse dan i 28 de ma al nr. 0474/590069.

Referac:
cun siur Tone Fiung “N bun raport cun le partner y cun i mituns” en lünesc ai 15 de ma dales 20:00 a Calfosch te Ciasa dles Uniuns.
cun siur Sepl Granruaz “Cherdunse ma aladô ch'ara se öga?” en mercui ai 17 de ma dales 20:00 a Badia te Ciasa Runcher.

Gita dla Uniun dles ëles: dütes é inviades ai 30 de ma (an pëia ia da Pedraces dales 06:30) da gní a Marienberg te Vinschgau. Prenotesse bel sëgn pro Roberta al nr. 338 3852548 (*domisdé o da sëra*).

Por i 15 agn dala mort dl miscionar Luis Lintner sarál en chësta domënia ai 14 de ma dales 16:00 na Mëssa cun nosc Vësko a Weissenstein y en mertesc ai 16 de ma dales 10:00 na mëssa a Aldein.



En domënia, ai 21.05.2017 complësc **Laura Alfarei** de Parüs 86 agn. Le Seniorencub y düta la Comunità ti aoda düte le bun, sanité y benedisciun de Dî.